

Na osnovu člana 32. Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na VII sjednici, održanoj dana 02.07.2013. godine, donijelo je

**ODLUKU
O PONIŠTENJU JAVNOG OGLASA ZA
IMENOVANJE ČLANOVA
NADZORNIH ODBORA JAVNIH PREDUZEĆA**

Član 1.

Poništava se Javni oglas za imenovanje članova nadzornih odbora javnih preduzeća, objavljen dana 27.02.2013. godine u dnevnom listu „Oslobođenje“ i dana 06.03.2013. godine u „Službenim novinama Federacije Bosne i Hercegovine“, broj: 18/13.

Član 2.

Ova Odluka stupa na snagu narednog dana od dana donošenja, a objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALA
OPĆINSKOG VIJEĆA
Edina Abdić, s.r.

Broj: 01-05-212/13
Velika Kladuša, 02.07.2013. godine

Na osnovu člana 73. Zakona o građevinskom zemljištu Federacije Bosne i Hercegovine („Službene novine Federacije Bosne i Hercegovine“, broj: 67/05) i člana 32. Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na VII sjednici, održanoj 02.07.2013. godine, donijelo je

**ODLUKU
O IZMJENAMA I DOPUNAMA ODLUKE O
GRAĐEVINSKOM ZEMLJIŠTU**

Član 1.

U Odluci o građevinskom zemljištu („Službeni glasnik Općine Velika Kladuša“, broj: 9/10, 5/11 i 4/12), članovi 33. i 35. se brišu.

Član 2.

Član 51. stav 2. mijenja se i glasi:

„Ukoliko investitor podnese dokaz o učešću u finansiranju uređenja gradskog građevinskog zemljišta od 01.01.1997. godine pa nadalje, ista naknada će biti umanjena za stavku u kojoj je nastalo njegovo učešće što će se obračunati kod izdavanja odobrenja za građenje.“

Član 3.

Član 57. mijenja se i glasi:

„Naknada za korištenje izgrađenog gradskog zemljišta određuje se prema m² izgrađene površine zemljišta, odnosno prema m² izgrađene korisne površine za stambeni, poslovni i stambeno-poslovni

prostor, a za podzemne i nadzemne instalacije infrastrukture obračunava se po metru dužnom.“

Član 4.

U članu 59. iza stava 1. dodaje se novi stav 2. koji glasi: „Obveznici naknade za korištenje gradskog građevinskog zemljišta koji su uplatili naknadu iz osnova pogodnosti gradskog građevinskog zemljišta u privatnoj svojini, oslobađaju se obaveze plaćanja naknade za korištenje gradskog građevinskog zemljišta za iznos koji je uplaćen u vidu naknade iz osnova pogodnosti gradskog građevinskog zemljišta u privatnoj svojini“.

Član 5.

U članu 63. iza tačke b) dodaje se tačka c) koja glasi: „Naknada za korištenje građevinskog zemljišta za podzemne i nadzemne instalacije infrastrukture obračunava se u granicama obuhvata prostornog plana Općine Velika Kladuša u iznosu od 0,013 KM po metru dužnom“

Član 6.

Zadužuje se Komisija za Statut i propise da u saradnji sa Službom prostornog uređenja, komunalnih i stambenih djelatnosti Općinskog organa uprave Općine Velika Kladuša, po stupanju na snagu ove Odluke sačini i u „Službenom glasniku Općine Velika Kladuša“ objavi prečišćeni tekst Odluke o građevinskom zemljištu.

Član 7.

Ova Odluka stupa na snagu osmog dana od dana objavljivanja u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALA
OPĆINSKOG VIJEĆA
Edina Abdić, s.r.

Broj: 01-05-213/13
Velika Kladuša, 02.07.2013. godine

Na osnovu člana 47. stav 2. Odluke o građevinskom zemljištu („Službeni glasnik Općine Velika Kladuša“, broj: 9/10, 5/11 i 4/12), člana 32. Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na VII sjednici, održanoj 02.07.2013. godine, donijelo je

**ODLUKU
O UTVRĐIVANJU BAZNE CIJENE ZA
ODREĐIVANJE NAKNADE ZA UREĐENJE
GRADSKOG GRAĐEVINSKOG ZEMLJIŠTA NA
PODRUČJU OPĆINE VELIKA KLADUŠA**

Član 1.

Ovom Odlukom utvrđuje se visina bazne cijene kao osnovice za obračun naknade za uređenje građevinskog zemljišta i to za zemljišta za koja nisu utvrđeni stvarni troškovi pripremanja i opremanja građevinskog zemljišta prema programu uređenja građevinskog zemljišta za određeni prostor.

Član 2.

Bazna cijena kao osnovica za obračun naknade za uređenje gradskog građevinskog zemljišta po 1 m² bruto korisne stambene površine na području općine Velika Kladuša utvrđuje se u iznosu od 30,00 KM/m².

Član 3.

Nadzor nad provođenjem ove Odluke vršit će Služba prostornog uređenja, komunalnih i stambenih djelatnosti.

Član 4.

Stupanjem na snagu ove Odluke prestaje da važi Odluka o utvrđivanju bazne cijene za određivanje naknade za uređenje gradskog građevinskog zemljišta („Službeni glasnik Općine Velika Kladuša“, broj: 9/10).

Član 5.

Ova Odluka stupa na snagu osmog dana od dana objavljivanja u „Službenom glasniku Općine Velika Kladuša“, a primjenjivat će se i na sve zahtjeve za izdavanje odobrenja za građenje čiji postupak rješavanja nije okončan i nije izvršena uplata naknade za uređenje građevinskog zemljišta za već utvrđeni iznos.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-214/13
Velika Kladuša, 02.07.2013. godine

Na osnovu člana 126. Zakona o prostornom uređenju i građenju („Službeni glasnik Unsko-sanskog kantona“, broj:10/11, 13/11, 19/11 i 8/13) i člana 32. Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na VII sjednici, održanoj 02.07.2013. godine, donijelo je

ODLUKU

o postupku, uslovima i načinu legalizacije bespravno izgrađenih građevina na području Općine Velika Kladuša

Član 1.

Ovom Odlukom utvrđuje se postupak, uslovi i način legalizacije bespravno izgrađenih građevina na području Općine Velika Kladuša.

Član 2.

Građenje građevine bez pravosnažnog odobrenja za građenje nije dozvoljeno.

Građevine izgrađene bez odobrenja za građenje ne mogu se priključiti na uređaje i instalacije, komunalne i druge infrastrukture (vodovod, kanalizacija, elektrovod, toplovod, telekomunikacijski vodovi, javni put i dr.).

Vlasnici bespravno izgrađenih građevina nemaju pravo na naknadu u slučaju uklanjanja građevine na osnovu odluke ili rješenja nadležnog organa uprave.

Član 3.

Pod legalizacijom, u smislu ove Odluke, podrazumijeva se donošenje rješenja o naknadnoj urbanističkoj saglasnosti, odnosno naknadno izdavanje lokacijske informacije, donošenje naknadnog odobrenja za građenje i upotrebne dozvole, u skladu sa odredbama Zakona o prostornom uređenju i građenju („Službeni glasnik Unsko-sanskog kantona“, broj: 10/11, 13/11, 19/11 i 8/13).

Član 4.

Građevinom, u smislu ove Odluke, smatra se građevinski objekat na određenoj lokaciji trajno povezan s tlom, a koji se sastoji od građevinskog sklopa i ugrađene opreme, koji u okviru tehnološkog procesa zajedno čine tehnološku cjelinu, kao i samostalno postrojenje trajno povezano sa tlom. Građevinom se smatraju i nasipi, iskopi i odlagališta, tj. svi objekti povezani sa tlom, kojima se mijenja izgled i način iskorištavanja prostora.

Bespravno izgrađenom građevinom, u smislu ove Odluke, smatra se građevina ili njen dio izgrađen bez odobrenja za građenje, građevina u čijoj je izgradnji odstupljeno od odobrenja za građenje i građevina dograđena ili nadzidana bez odobrenja za građenje.

Izgrađenom građevinom, u smislu ove Odluke, smatra se građevina na kojoj su, izvedeni građevinski i instalaterski radovi u cjelini ili je završen dio građevine koji se može samostalno koristiti.

Građevinom u čijoj je izgradnji odstupljeno od odobrenja za građenje, u smislu ove Odluke, smatra se građevina čiji vlasnik posjeduje odobrenje za građenje, ali ne i izmjene i dopune odobrenja za građenje u skladu sa zakonskim odredbama.

Građevinom dograđenom ili nadzidanom bez odobrenja za građenje, u smislu ove Odluke, smatra se građevina dograđena ili nadzidana bez odobrenja za građenje.

Član 5.

Postupak legalizacije bespravno izgrađenih građevina prema odredbama ove Odluke provodi Općinski načelnik putem nadležne službe.

Član 6.

Postupak legalizacije bespravno izgrađene građevine pokreće se po zahtjevu ovlaštenog lica. Ovlaštenim licem, u smislu ove Odluke, smatra se:

- investitor bespravno izgrađene građevine,
- vlasnik bespravno izgrađene građevine, ukoliko on nije bio investitor,
- lice koje je bespravno izgrađenu građevinu steklo na drugi zakonom propisan način.

Član 7.

Zahtjev za naknadno donošenje rješenja o urbanističkoj saglasnosti, odnosno naknadno izdavanje lokacijske informacije, naknadno izdavanje odobrenja za građenje i odobrenja za upotrebu bespravno izgrađenih građevina, podnosi se nadležnoj službi.

Član 8.

Zahtjev za naknadno donošenje rješenja o urbanističkoj saglasnosti za bespravno izgrađene građevine iz člana 3. ove Odluke može se podnijeti do 31.12.2016. godine.

Član 9.

Uz zahtjev za naknadno donošenje rješenja o urbanističkoj saglasnosti prilaže se:

- izvod iz katastarskog plana, sa naznakom predmetne i susjednih parcela te posjedovni list sa starim premjerom za građevinsku parcelu na kojoj se nalazi bespravno izgrađena građevina;
- situacija terena sa ucrtanim položajem objekta, urađena od ovlaštene organizacije za geodetske poslove;
- arhitektonsko-građevinski snimak izvedenog stanja bespravno izgrađene građevine u razmjeri 1:100 na nivou idejnog projekta, koji obuhvata: situaciono rješenje sa dispozicijom, visinom, gabaritom, namjenom objekta i po potrebi osnovnim tehničko-tehnološkim obilježjima;
- četiri fotografije fasada objekta sa datumom;
- obrazloženje zahtjeva sa podacima o namjeni, veličini, načinu izgradnje, lokaciji i drugim karakteristikama bespravno izgrađene građevine,
- druge podatke ili dokumente koje nadležna služba utvrdi kao relevantne.

Član 10.

Rješenje o urbanističkoj saglasnosti ne može se donijeti za bespravno izgrađene građevine koje su izgrađene:

- suprotno namjeni određenoj odgovarajućim planskim dokumentom,
- u zonama posebne namjene utvrđenim odgovarajućim prostorno-planskim dokumentom;
- na rezervisanim površinama, koje su kao takve utvrđene odgovarajućim prostorno-planskim dokumentom;
- na zaštićenim područjima prirodnog i graditeljskog naslijeđa utvrđenim odgovarajućim prostorno-planskim dokumentom, zakonskim propisima i donesenim Odlukama nadležnih organa u toj oblasti;
- u I i II zaštitnoj zoni izvorišta vode za piće, osim ako je odgovarajućim prostorno-planskim dokumentom i Odlukom o zonama sanitarne zaštite izvorišta vode za piće drugačije utvrđeno;
- u zonama saobraćajne i energetske infrastrukture, u zaštitnim pojasevima definisanim i utvrđenim odgovarajućim prostorno-planskim dokumentom i zakonskim propisima u tim oblastima;
- u zonama vodne infrastrukture, u zaštitnim pojasevima definisanim i utvrđenim odgovarajućim prostorno-planskim dokumentom i zakonskim propisima u toj oblasti;
- u zonama eksploatacije mineralnih sirovina (rudnog blaga) utvrđenim odgovarajućim prostorno-planskim dokumentom;

- u zonama sporta, rekreacije i zaštitnog zelenila utvrđenim odgovarajućim prostorno-planskim dokumentom;
- na komunalnim građevinama i uređajima;
- u zonama klizišta, utvrđenim odgovarajućim prostorno-planskim i studijsko-analitičkim dokumentom;
- na poljoprivrednom zemljištu od 1. do 4. bonitetne kategorije, a čiji je stepen izgrađenosti manji od 50% ili dok se za to područje ne donese odgovarajući prostorno-planski dokument.

Izuzetno od odredaba stava 1. alineja 6. ovog člana rješenje o urbanističkoj saglasnosti za građevine izgrađene u zaštitnim putnim pojasevima lokalnih i nekategorisanih cesta, može se izdati uz suglasnost Općinskog načelnika kao upravitelja cesta;

Suglasnost iz stava 2. ovog člana se daje na temelju ocjene stručne komisije koja će na licu mjesta ocijeniti da li građevina ugrožava odvijanje saobraćaja. Stručnu komisiju rješenjem imenuje Općinski načelnik na period od godinu dana.

Član 11.

Građevine izgrađene bez odobrenja za građenje do 23.05.1974. godine se ne smatraju bespravno izgrađenim građevinama.

Za ove građevine se izdaje odgovarajuće uvjerenje, u skladu sa odredbama Zakona o upravnom postupku («Službene novine Federacije Bosne i Hercegovine», broj: 2/98 i 48/99), koje služi za regulisanje statusnih promjena i prava upisa u zemljišne knjige, dogradnje, rekonstrukcije ili priključka na komunalnu infrastrukturu.

Član 12.

Rješenje o urbanističkoj saglasnosti donijet će se za bespravno izgrađene građevine koje se nalaze na području obuhvata odgovarajućeg provedbenog prostorno-planskog dokumenta i svojim položajem (lokacijom), veličinom i namjenom zadovoljavaju urbanističko-tehničke i druge uslove tog dokumenta i odredbe Odluke o njegovom provođenju, propisane građevinske standarde i uslove utvrđene posebnim zakonom.

Član 13.

Izuzetno od odredaba člana 12. ove Odluke, rješenje o urbanističkoj saglasnosti donijet će se i za bespravno izgrađene građevine, koje se nalaze izvan obuhvata urbanih područja pod uslovom:

1. da se nalaze na zemljištu na kojem postoji minimalni obim uređenja zemljišta koji podrazumijeva:
 - trajno osiguran kolski prilaz građevini sa javne saobraćajnice;
 - snabdijevanje vodom;
 - odvodnja otpadnih voda putem kanizacionog sistema ili septičke jame;
 - snabdijevanje električnom energijom;
2. da se ne nalaze u zonama i područjima navedenim u članu 10. ove Odluke;

3. da zadovoljavaju opće uslove izgradnje propisane odredbama odluke o provođenju planskog dokumenta;
4. da zadovoljavaju propisane građevinske standarde;
5. da zadovoljavaju uslove propisane posebnim zakonima.

Član 14.

U postupku naknadnog donošenja rješenja o urbanističkoj saglasnosti posebnim zakonima propisane saglasnosti pribavlja nadležna služba po službenoj dužnosti.

Troškove pribavljanja saglasnosti iz prethodnog stava dužan je snositi podnositelj zahtjeva.

Član 15.

U postupku legalizacije, a prije naknadnog donošenja rješenja o odobrenju za građenje, investitor, odnosno vlasnik bespravno izgrađene građevine je obavezan platiti naknade utvrđene posebnim zakonskim i podzakonskim propisima, između ostalog:

- naknadu za uređenje gradskog građevinskog zemljišta u skladu sa odredbama Zakona o građevinskom zemljištu Federacije Bosne i Hercegovine („Službene novine Federacije Bosne i Hercegovine“, broj: 25/03, 67/05) i Odluke o građevinskom zemljištu („Službeni glasnik Općine Velika Kladuša“ broj: 09/10, 5/11 i 4/12);
- naknadu za trajnu pretvorbu poljoprivrednog zemljišta u građevinsko zemljište, ukoliko se bespravno izgrađena građevina nalazi na poljoprivrednom zemljištu, u skladu sa odredbama Zakona o poljoprivrednom zemljištu („Službene novine Federacije Bosne i Hercegovine“, broj: 52/09);
- naknadu za izgradnju skloništa u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 29/06 i 43/10);
- druge naknade predviđene posebnim propisima.

Član 16.

Visina naknade za uređenje građevinskog zemljišta određuje se rješenjem o urbanističkoj saglasnosti na osnovu podataka iz građevinskog snimka izvedenog stanja koji se prilaže uz zahtjev.

Član 17.

Zahtjev za naknadno donošenje rješenja o odobrenju za građenje za bespravno izgrađenu građevinu iz člana 3. ove Odluke podnosi lice na čije ime glasi rješenje o urbanističkoj saglasnosti.

Ako je poslije izdavanja lokacijske informacije, odnosno urbanističke saglasnosti došlo do promjene investitora, novom investitoru se može izdati odobrenje za građenje na njegovo ime, ako priloži dokaz o pravu građenja, odnosno dokaz da je stekao vlasništvo na građevini koja je predmet izdavanja odobrenja za građenje.

Član 18.

Uz zahtjev za naknadno donošenje rješenja o odobrenju za građenje prilaže se:

- lokacijska informacija odnosno pravosnažno rješenje o urbanističkoj saglasnosti,
- uvjerenje o cijepanju građevinske parcele, ukoliko nije provedeno u katastarskom operatu,
- dokaz o pravu građenja na predmetnoj parceli – izvod iz zemljišne knjige za predmetnu nekretninu, sa upisom investitora kao vlasnika nekretnine, pravosnažna sudska odluka ili pravosnažno rješenje nadležnog organa na osnovu kojeg je investitor stekao pravo vlasništva ili pravo korištenja radi građenja, ugovor na osnovu kojeg je investitor stekao pravo vlasništva ili građenja, ugovor o partnerstvu sklopljen sa vlasnikom zemljišta i/ili nekretnine, ugovor o koncesiji kojom se stiče pravo građenja, pisana suglasnost vlasnika nekretnine dana pred notarom,
- tri primjerka glavnog projekta,
- pisani izvještaj o obavljenoj reviziji glavnog projekta,
- pisani izvještaj i potvrdu o izvršenoj nostrifikaciji u slučajevima kada je potrebna,
- elaborati o istražnim radovima, te tehnološki elaborat ako je potreban,
- pisano očitovanje, mišljenje, saglasnost, uslove ili potvrdu komunalnih ili drugih javnih preduzeća, koji su pribavljeni u toku izdavanja lokacijske informacije, odnosno urbanističke saglasnosti,
- detaljan plan upravljanja građevinskim otpadom,
- drugi prilozi određeni zakonom.

Član 19.

Ukoliko investitor, odnosno vlasnik bespravno izgrađene građevine, uz zahtjev za naknadno donošenje rješenja o odobrenju za građenje ne priloži potrebnu dokumentaciju i dokaz o plaćenim naknadama, nadležna služba će pozvati istog da u roku od 15 dana dopuni zahtjev. Ukoliko investitor, odnosno vlasnik bespravno izgrađene građevine ne dostavi traženo u ostavljenom roku, zahtjev za naknadno donošenje rješenja o odobrenju za građenje će se odbiti.

Član 20.

Nakon ishodovanja rješenja o odobrenju za građenje, investitor na čije ime glasi to odobrenje podnosi zahtjev za donošenje rješenja o upotrebnoj dozvoli.

Član 21.

Uz zahtjev za naknadno donošenje rješenja o upotrebnoj dozvoli prilaže se:

- kopija pravosnažnog rješenja o odobrenju za građenje,

- geodetski snimak građevine i parcele izrađen na katastarskoj podlozi,
- pisana izjava izvođača o izvedenim radovima i uslovima za održavanje građevine,
- pisani izvještaj o izvršenom nadzoru nad građenjem,
- ovjeren projekat izvedenog stanja, ukoliko je tokom građenja građevine došlo do odstupanja od glavnog projekta na osnovi kojeg je izdano odobrenje za građenje,
- dokaz o uplati naknade za podmirenje troškova za tehnički pregled,
- dokaz o uplati takse.

Izuzetno, za građevine za koje se izdaju nakanačna akta o građenju, a koji su izgrađeni do stupanja na snagu Zakona o izmjenama i dopunama Zakona o prostornom uređenju i građenju („Službeni glasnik Unsko-sanskog kantona“, broj: 8/13), umjesto pisane izjave izvođača o izvedenim radovima i uslovima za održavanje građevine i pisanog izvještaja nadzora nad građenjem, investitor je dužan pribaviti nalaz i mišljenje sudskog vještaka građevinske struke ili pravne osobe ovlaštene za poslove obavljanja nadzora nad građenjem, kojim potvrđuje da je građevina izgrađena prema propisima, da je tehnički ispravna i stabilna, odnosno da zadovoljava uslove upotrebljivosti konstrukcije.

Član 22.

U postupku legalizacije bespravno izgrađenih građevina koji se vodi po osnovu odredaba ove Odluke, primjenjivat će se odredbe Zakona o upravnom postupku („Službene novine Federacije Bosne i Hercegovine“, broj: 2/98 i 48/99).

Član 23.

Za bespravno izgrađene građevine koje se legaliziraju u skladu sa odredbama ove Odluke, nadležna služba će sačiniti evidencije:

- rješenja o urbanističkoj saglasnosti odnosno lokacijskih informacija,
- rješenja o odobrenju za građenje;
- rješenja o upotrebnoj dozvoli.

Član 24.

Stupanjem na snagu ove Odluke prestaje da važi Odluka o postupku, uslovima i načinu legalizacije bespravno izgrađenih građevina na području Općine Velika Kladuša („Službeni glasnik Općine Velika Kladuša“, broj: 7/11).

Član 25.

Ova Odluka stupa na snagu osmog dana od dana objavljivanja u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALA
OPĆINSKOG VIJEĆA
Edina Abdić, s.r.

Broj: 01-05-215/13
Velika Kladuša, 02.07.2013. godine

Na osnovu člana 32. i člana 124. stav 3. Statuta Općine Velika Kladuša („Službeni glasnik Općine Velika Kladuša“, broj: 12/11), člana 72. stav 1. i člana 81. stav 1. tačka 2. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na VII sjednici, održanoj 02.07.2013. godine, donijelo je

ZAKLJUČAK

I

DAJE SE SAGLASNOST Fatimi (Rizvan) Ibričić iz Velike Kladuše, Ulica Banijska bb, za legalizaciju bespravno izgrađenog porodično-stambenog objekta u Velikoj Kladuši, na parceli označenoj kao k.č. br. 809 K.O. Velika Kladuša, u svemu prema urbanističkoj saglasnosti, broj: 03/1-23/1-1716/09 od 31.05.2011. godine. Navedena parcela graniči sa parcelom označenom kao k.č. br. 808 K.O. Velika Kladuša, čiji je vlasnik Općina Velika Kladuša.

II

Ovaj Zaključak stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALA
OPĆINSKOG VIJEĆA
Edina Abdić, s.r.

Broj: 01-05-216/13
Velika Kladuša, 02.07.2013. godine

Na osnovu člana 32. i 124. stav 3. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72, 81, 93, 95. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), a nakon provedene rasprave o Nacrtu Programa zajedničke komunalne potrošnje za period od 15.03.2013. godine do 15.03.2014. godine, Općinsko vijeće Općine Velika Kladuša na VII sjednici, održanoj 02.07.2013. godine, donijelo je

ZAKLJUČAK

I

1. PRIHVATA SE Nacrt Programa zajedničke komunalne potrošnje za period od 15.03.2013. godine do 15.03.2014. godine i u skladu sa Poslovníkom Općinskog vijeća Općine Velika Kladuša, radi prikupljanja mišljenja, prijedloga i sugestija za izradu Prijedloga Programa STAVLJA SE NA JAVNU RASPRAVU.

2. Prihvaćeni Nacrt Programa poslužit će kao osnov za provođenje javne rasprave, a ista će trajati 15 (petnaest) dana od dana stavljanja Nacrta na javnu raspravu.

3. Za nosioce javne rasprave o Nacrtu Programa određuje se Služba za građenje, komunalne djelatnosti i zaštitu okoliša i Komisija za prostorno

planiranje, mjesne zajednice, komunalne poslove i ekologiju.

4. Zadužuju se nosioci javne rasprave o Nacrtu Programa da isti objave na zvaničnoj web stranici Općine Velika Kladuša, te da organizuju i provedu javnu raspravu u Općinskoj vijećnici Općine Velika Kladuša, na koju će putem medija i na drugi način biti pozvani građani i drugi zainteresirani subjekti.

5. Pismene primjedbe, prijedloge, sugestije i mišljenja na Nacrt Programa zajedničke komunalne potrošnje za period od 15.03.2013. godine do 15.03.2014. godine učesnici u javnoj raspravi mogu dostaviti putem pošte na adresu: Općina Velika Kladuša, Ulica Hamdije Pozderca broj 3, Velika Kladuša, 77230, sa naznakom „za javnu raspravu“ ili putem e-mail na adresu: vkkladusa@bih.net.ba u periodu trajanja javne rasprave.

6. Troškovi organizacije javne rasprave o Nacrtu Programu padaju na teret budžeta Općine Velika Kladuša.

7. Nakon provedene javne rasprave o Nacrtu Programa zajedničke komunalne potrošnje za period od 15.03.2013. godine do 15.03.2014. godine, uzevši u obzir sve primjedbe, prijedloge, sugestije i mišljenja vijećnika istaknuti na sjednici Vijeća i pristigle u toku javne rasprave, nosioci javne rasprave će sačiniti Prijedlog Programa zajedničke komunalne potrošnje za period od 15.03.2013. godine do 15.03.2014. godine i isti sa Izvještajem o provedenoj javnoj raspravi uputiti Općinskom vijeću na razmatranje i usvajanje.

II

Ovaj Zaključak stupa na snagu danom objavljivanja u "Službenom glasniku Općine Velika Kladuša".

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-218/13
Velika Kladuša, 02.07.2013. godine

Na osnovu člana 32. i 124. stav 3. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72, 81, 93, 95. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), a nakon provedene rasprave o Nacrtu Plana i programa redovnog održavanja i zaštite lokalnih i nekategorisanih cesta i gradskih ulica na području Općine Velika Kladuša za 2013. godinu, Općinsko vijeće Općine Velika Kladuša na VII sjednici, održanoj 02.07.2013. godine, donijelo je

ZAKLJUČAK

I

1. PRIHVATA SE Nacrt Plana i programa redovnog održavanja i zaštite lokalnih cesta i gradskih ulica na području Općine Velika Kladuša i u skladu sa Poslovníkom Općinskog vijeća Općine Velika Kladuša

za 2013. godinu, radi prikupljanja mišljenja, prijedloga i sugestija za izradu Prijedloga Plana i programa STAVLJA SE NA JAVNU RASPRAVU.

2. Prihvaćeni Nacrt Plana i programa poslužit će kao osnov za provođenje javne rasprave, a ista će trajati 20 (dvadeset) dana od dana stavljanja Nacrta na javnu raspravu.

3. Za nosioce javne rasprave o Nacrtu Plana i programa određuje se Služba za građenje, komunalne djelatnosti i zaštitu okoliša i Komisija za prostorno planiranje, mjesne zajednice, komunalne poslove i ekologiju.

4. Zadužuju se nosioci javne rasprave o Nacrtu Plana i programa da isti objave na zvaničnoj web stranici Općine Velika Kladuša, te da isti dostave predsjednicima savjeta mjesnih zajednica, organizuju i provedu javnu raspravu po mjesnim zajednicama sa područja Općine Velika Kladuša, na koju će putem medija i na drugi način biti pozvani građani i drugi zainteresirani subjekti.

5. Pismene primjedbe, prijedloge, sugestije i mišljenja na Nacrt Plana i programa redovnog održavanja i zaštite lokalnih i nekategorisanih cesta i gradskih ulica na području Općine Velika Kladuša za 2013. godinu, učesnici u javnoj raspravi mogu dostaviti putem pošte na adresu: Općina Velika Kladuša, Ulica Hamdije Pozderca broj 3, Velika Kladuša, 77230, sa naznakom „za javnu raspravu“ ili putem e-mail na adresu: vkkladusa@bih.net.ba u periodu trajanja javne rasprave.

6. Troškovi organizacije i provođenja javne rasprave o Nacrtu Plana i programu redovnog održavanja i zaštite lokalnih i nekategorisanih cesta i gradskih ulica na području Općine Velika Kladuša za 2013. godinu, padaju na teret budžeta Općine Velika Kladuša.

7. Nakon provedene javne rasprave o Nacrtu Plana i programa, uzevši u obzir sve primjedbe, prijedloge, sugestije i mišljenja vijećnika istaknuta na sjednici Vijeća i pristigle u toku javne rasprave, nosioci javne rasprave će sačiniti Prijedlog Plana i programa redovnog održavanja i zaštite lokalnih i nekategorisanih cesta i gradskih ulica na području općine Velika Kladuša za 2013. godinu i isti sa Izvještajem o provedenoj javnoj raspravi uputiti Općinskom vijeću na razmatranje i usvajanje.

II

Ovaj Zaključak stupa na snagu danom objavljivanja u "Službenom glasniku Općine Velika Kladuša".

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-217/13
Velika Kladuša, 02.07.2013. godine

Na osnovu člana 32. i 124. stav 3. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72. i 81. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), razmatrajući Informaciju o provođenju Odluke

o građevinskom zemljištu u gradu i na području općine Velika Kladuša u 2012. godini, Općinsko vijeće Općine Velika Kladuša na VII sjednici, održanoj 02.07.2013. godine, donijelo je

ZAKLJUČAK

I

Prihvata se Informacija o provođenju Odluke o građevinskom zemljištu u gradu i na području općine Velika Kladuša u 2012. godini, bez primjedbi.

II

Ovaj Zaključak stupa na snagu danom objavljivanja u "Službenom glasniku Općine Velika Kladuša".

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-219/13
Velika Kladuša, 02.07.2013. godine

Na osnovu člana 32. i 124. stav 3. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72. i 81. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), razmatrajući Informaciju o stanju javne rasvjete na području općine Velika Kladuša, Općinsko vijeće Općine Velika Kladuša na VII sjednici, održanoj 02.07.2013. godine, donijelo je

ZAKLJUČAK

I

1. Prihvata se Informacija o stanju javne rasvjete na području općine Velika Kladuša, bez primjedbi.

2. Obavezuje se Općinski načelnik Općine Velika Kladuša da formira stručnu komisiju koja će na bazi predloženih mjera iz tačke 3. Informacije o stanju javne rasvjete na području općine Velika Kladuša, te aktuelnih potreba i tehničkih mogućnosti predložiti detaljne mjere za unapređenje upravljanja javnom rasvjetom i smanjenje troškova javne rasvjete na području općine Velika Kladuša.

II

Ovaj Zaključak stupa na snagu danom objavljivanja u "Službenom glasniku Općine Velika Kladuša".

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-220/13
Velika Kladuša, 02.07.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“,

broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je slijedeći:

ZAKLJUČAK

I

Odobravaju se sredstva iz granta za sufinansiranje liječenja ovisnika za 2013. godinu u iznosu od 400,00 KM (Slovima: četiristotine KM i 00/100) kao učešće Općine Velika Kladuša u dodjeli nagrada za izbor najboljih likovnih i literarnih radova učenika osnovnih i srednjih škola na temu „Volim život“ u okviru Akcionog plana prevencije lokalne zajednice u borbi protiv zlupotrebe opojnih sredstava 2013. godine. Odobrena sredstva će biti podignuta gotovinski i uručena učenicima sa najboljim likovnim i literarnim radovima.

II

Ovaj Zaključak stupa na snagu danom potpisivanja a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-2004/13
Velika Kladuša, 26.06.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je slijedeći:

ZAKLJUČAK

I

Odobravaju se sredstva iz granta za sufinansiranje prevoza učenika za 2013. godinu u iznosu do 1.228,50 KM (Slovima: hiljadu dvijestotinedvadesetosam KM i 50/100) kao učešće Općine Velika Kladuša u plaćanju troškova prevoza učenika i nastavnika osnovnih škola na KID festival u Sarajevu. Odobrena sredstva će biti uplaćena na žiroračun prevoznika „Džebić-trans“ 3385 1022 2662 2013 koji je otvoren kod Unikredit banke, Poslovnice Velika Kladuša.

II

Ovaj Zaključak stupa na snagu danom potpisivanja a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-2078/13
Velika Kladuša, 02.07.2013. godine